

四庫全書

集部

欽定四庫全書

集部

桐江續集卷十三

四

詳校官中書臣孫溶

主事臣呂雲棟覆勘

總校官庶吉士臣倉聖脉

校對官典簿臣劉景岳

謄錄監生臣林大本

欽定四庫全書

桐江續集卷十三

元方回撰

次韻仇仁近梅雨

客心何日渡桑乾
瑣瑣良難雨更難
途潦家家踰戶限
簷聲夜夜過更闌
歸舟屢阻千灘漲
暑簟頻驚五月寒
會許燈花報晴信
書帷新照玉蟲丹

苦雨行

并序

丁亥五月初三日夏至雨已月餘初四五六粗

晴初七夜復大雨至十三日晝夜不止初六米
價十二券初十至十七券十二至二十券市絕
糴民初爭食麵尋亦無之

泥污后土踰月餘四月雨至五月初七日七夜復不止
錢王舊城市無米城中之民不饑死亦恐城外盜賊起
東鄰高樓吹玉笙前呵大馬方橫行委巷比門絕朝飢
酒壚日征七百萬十貫為萬錢

雨不已

空階日夜梅霖滴滴碎人心未肯休山郡城沉遙可駭
水鄉田沒更勝憂民饑盜起關時事米盡薪殫滯客樓
燕玉誰家政微醉倚欄撩鬢插紅榴

壬子年嚴陵水冒城予往來十二年

幸無水近聞梅漲入城深八尺

後苦雨行

五月十四日為雨八晝夜三橋官河水溢登街
予數日不下樓糴於市則無借於人不荅

七晝夜雨可已否五更屋角萬馬走擊碎屋瓦如拳然

三橋街中人乘船五斗陳米已萬錢糴且無之矧借旃
一簷十蛛不成網億萬萬喙饑可想乘夜飛蟲蚊愈多
蘇湖秀州秧奈何

續苦雨行二首

雨遂至九日得米一斗鄰翁為告糴夜密致之
恐群輩攘劫也

龍至六爻為亢龍三三為九其數窮三日為霖今九日
便晴田事亦無及全吳富庶推第一誰信杭州無米糴

鄰翁耳語其所有夜持布囊分一斗老夫但笑不敢噴
堯九年水無饑民

憶昔壬午杭火時焚戶四萬七千竒燼死暍死橫道路
所幸米平民不饑火災而止猶自可大雨水災甚於火
海化桑田田復海龍妬僂蟲規作醢定噴網罟欲取償
稍借人充魚鱉餒

再用雨不已韻答仁近

良苗所至已沈沒寄語雲師盍少休暮境豈堪逢歲惡

腐儒可但為身憂敗墻蛇出頻穿戶濕柱蝸升欲上樓

擬問鄰酤破岑寂督郵聞說昨如榴

蛇出寓屋
之主人家

唐閣門從龍挽詩三首

除布何飄驟債亡足敗傷寧歌紫芝曲自老白雲鄉兵

息潢池弄書全屋壁藏銘碑端不愧今代蔡中郎

文樞
為銘

兒子與門生東籬憶送迎吾雖愧光祿獨幸識淵明愛

酒終成疾工詩早得名晁家雞肋集已足繼新城

予甲
申嘗

訪公

異日煙霄夢，終身水竹居。早交天下士，盡讀世間書。漢
祚金刀未，江流玉樹餘。興亡較功罪，元不涉樵漁。

次韻仇仁近暑中二首

初減官河幾許深，向來惟恐百城沈。晴階近喜收簷滴，
暑屋殊嫌乏樹陰。妾婦齒牙工鬪閱，比鄰瘡癩厭呻吟。
懸知壯士無顏色，賴有同心可斷金。

瞬息涼炎代，謝頻沉冥自養靜。中身讀書快意如抓痒，
得句言懷當寫真。幸不與聞當世事，可須常作半途人。

忽思秦漢干戈際商嶺猶堪避戰塵

鮮于伯幾舉近詩有一官屢厄黃楊閏之句忘其

全聯因賦呈之

與世相違已背馳樽前各舉近吟詩一官屢厄黃楊閏
萬卷難充畫餅饑浪說炎蒸今可畏懸知搖落即堪悲
山潛澗蟄吾當去自有髯侯奮迅時

種稗歎

農田插秧秧綠時稻中有稗農未知稻苗欲秀稗先出

拔稗飼牛唯恐遲今年
湖西田沒水却向湖東糴
稗子一斗稗子價幾何
已直去年三斗米天災
使然贖勝真焉得世間
無稗人

湖上晚歸

此身閒一日足使百憂忘
城外天能大山中地許涼
喧呼經妓舫寂靜憶僧房
薄暮歸窮巷誰家正絕糧

立秋 六月十九日

斗杓忽又指西樓我獨何
為此滯留多事心情人轉老

荒城風雨夜爭秋一蓑屢費漁樵夢杯酒難消宇宙愁
好趁微涼便歸去豆花籬落荻花洲

立秋病中再賦

亂螿號蟬孰賞音汝吟豈似我能吟風聲雨氣涼秋夜
世故時情病客心爛醉無求甘老死菊花有約合山林
一庵異日歸何處萬壘寒雲未覺深

旅悶十首

併序

五月中旬至六月下旬糴絕物貴身病窮極然

所感不止是而已為旅悶詩十首

病恐醫難謝，貧驚糴愈昂。
未甘頻餌藥，只欲暫休糧。
暑殆無涼處，饑容有熟鄉。
歸歟謀藿食，不敢畏秋陽。

久間仍久客，馬敢罪奴僮。
竈下橫蛇蛻，門前積馬通。
分衣猶惡敝，徹饌即聞空。
兒子扶行好，秋溪望乃翁。

舊觀繁華絕，餘風巧偽滋。
人窮何不至，俗薄故堪嗤。
敝帚猶艱借，勞薪自暗炊。
扶搖九萬里，遥謝庶風雌。

彼姝復此粲，人面外堪看。
鸚鵡雖能語，芙蓉豈耐寒。
舌

甜元可畏背毀更多端
昵昵徒為耳雲龍許控搏

吟窗委巷間四顧盡塵闌
屋角纔孤樹樓西僅遠山
羣饑烏謾噪高舉鵲容攀
夜靜看星斗秋風喜漸還

年饑身復病食盡藥無良
此老何其窘於詩自不妨
暑牕從紙破晴井放繩長
稍覺愁眉展初秋夜欲涼

運啓奎占瑞途殫慧告危
晚生違盛際後死值衰期
何啻三歸備寧虞九鼎移
焉知專夜妾竟孕別人兒

西湖西畔路死魅復游魂
早作千年調能容一尺渾
國

刑修已怨王爵報私恩縱許留遺孽終無令子孫

升沉元有命不在巧謀身政使魁廷彥無能位諫臣一

時儕惡黨百世號儉人所得都能幾風花瞬息春

子廷對為

首賈相易之兩除

言路王相格之

浩浩觀今古憧憧角利名學如未聞道死似不曾生瑣
碎禽蟲語芳鮮草樹榮過時隨變滅歷代幾公卿

望湖

湧金樓下路小艇尚堪呼哀疾吾如此湖山了不殊興

亡忽今昔紅綠自蓮蒲近說遷漁戶窮鱗氣稍蘇

新禁網釣

舊漁戶四百四十家寸鱗不留也

讀旅悶詩再賦

身心喜自如賁趾出無車官職休停後田園廢蕩餘寧
從若教餒不奉子公書折檻今煙草朱雲氣未舒

題吳仲遠游淮送行詩卷

宏

昔有大丈夫萬里事遠游遠游何所極飄若孤雲浮歐
冶淬利劍造父翼華翰東睇薄瀛島西顧羞崑邱長嘯

首陽巔悲歌湘水流九疑叫虞帝三川哀宗周世人不
之識問之將焉求曰有吊古意聊以消幽憂之子方盛
年菽水亦易謀竭從淝河濱言邁淮壩州兒女競執摻
親朋相謠謳鴻鵠眇四海顧此焉足愁已矣勿復道勗
哉企前脩

贈胡直內

方

併寄夏自然

希賢

直內苦吟今賈孟自然近作欲韋陶

去年見寄古詩
二十五韻良佳

時場屋猶無恙前輩科名許獨高詩句孰能傳海內官

銜僅足詫兒曹鴈門太守何為者為道深衣勝紫袍

山中之樂三章送徐明叟胡直內蘇德翁歸嚴瀨

併寄夏自然

山中之樂兮樂可忘饑飲有菊水兮茹有芝辟穀孔易
兮何澇何旱漱嚙沆瀣兮冒其耘菑野粟稔兮釀酒醉
而歌兮樵者和之分半桃食未既兮爛彼斧柯於局棋
憫闕市之過糴兮形或鵠而腸龜誰獨有此山中兮我
將焉追送子于歸兮聊聲我詩

山中之樂兮樂可忘憂草木春青兮黃為秋雲出雲還
兮人世晴雨寒拾榭葉兮以襦以裘顧獨影兮無媿意
行小倦兮蔭樾以休天四壁以為家兮戶無可閉其奚
偷何兩角之有國兮戰塵紅而血流誰獨有此山中兮
我將焉求送子于行兮聊賡我謳

山中之樂兮樂可忘老匪鹽匪酪兮養梨棗曾高雲仍
兮動閱數世手樹成棟兮鬢猶未槁一屈肘兮代謝一
寤寐兮諫夷歌皓耿客星猶在天兮鄙壇洛廟餘煙草

將相豈不昂貴兮曾腰領其未保子獨有此山中兮作
室已考去不我顧兮我將焉討

暑退

逆旅朝難夕更生暑忽涼自能拍嗜欲足可看奔忙即
恐來鴻鴈翻成畏雪霜去年幾人健同與嗅秋香

市行

徒步無車馬頹然一秃翁早班朝士底還雜市人中所
向都非舊馬能獨不窮否臧元自在芳穢未俱空

喜劉伯宣尚書至五首宣

聞說尚書至歡聲涕道傍饑民應復飽暑氣頓成涼此
老今能幾吾徒尚有望畧容對談麈小緩理歸航

湖濱文字飲一別五年餘未死須重見將詩屢當書事
元無可說意自不能踈近日知來信頑軀百病除
所至無頓感當今亦鮮哉名譽非易致悅服有從來漢
令更泉幣吳儂告水災忽聞自天下何策可春回

湖海襟期落山林骨相寒自慙知道晚未覺忍窮難缺

米臨炊糴逢花就擔看尚能中酒聖肯諱作詩酸

於世已無求公來特少留相期一會面動隔幾年秋鼎
貴曾何樂常饑亦不憂端能專鳳沼未必勝漁舟

七月二十三日聞城南火午至夜半懷歸

月近參旗欲下弦倚樓半夜獨看天故園入夢將千日
朝服離身已七年洶洶火驚何不去磬磬糴貴更堪憐
漢庭使者求民瘼沒黯應須識後先

伯宣將至

倚樓二首

西風迎面晚涼新
畧展青銅正幅巾
獨倚闌干偶無事
閒看樓下奕碁人

樓頭獨立到昏鴉
盡日絲空小雨斜
何補乾坤浪生死
青青無數瓦松花

自勉

有路今平坦無心復怪竒
盡嘗艱苦後始到老成時
細讀驚前誤精思決舊疑
端能吾事了可用此曹知

八月初一日

吾生遽如此六十一衰翁功過差相掩時幾大不同冥
冥終日雨忽忽半秋風食盡囊無物今年始是窮

夜讀

樓西落照炫新晴簷雨猶餘點滴聲信手取書開數葉
秋涼初喜夜燈明

夜思

買菱沽酒意欣然中輟留為斗糴錢委巷屐聲駢雨後
破牕燈影颭風前在家兒女應饑瘦久客衣裳盡穴穿

忽憶厄陳如孔聖感麟猶過從心年

孔子年六十八始
反魯刪詩定書七

十一始作春秋前此厄陳蔡猶久客宋
衛子六十一不能即歸蓋亦無足歎云

雨夜懷仁近二首

平生湖海氣歲晚可誰鄰朋友非難得情懷未必真孤
燈昏夜目破衲冷秋身明日天晴否過從僅此人

料我今誰識交君日漸深相看如骨肉有志各山林佐
酒無珍具成詩每痛箴晝逢常夜別雨阻定晴尋

所覩

形泰神勞極心非貌敬多甘從道左避肯羨馬前呵雪
屋聽兒讀花房顧妾歌同聲不同調末後看如何

題唐師善洪崖圖

侯舉

其說謂洪崖者三皇時有道之士唐明皇時張
氲召見即其人端明洪公舜俞集中有此詩予
不敢信今俗畫非止一本

太白尚不識洪崖焉肯來一蹇五獠奴姦人之所為得
非成方遂獨無雋不疑至今好仙者猶為圖畫欺

冷泉亭

寺門不須入林磴瑩清襟老樹幾前代冷泉如我心絕
蘿猿接菓龕石佛添金別有真天趣月寒秋夜深
寺靈隱

勝不在寺內在寺門此亭目猿就手取食崖鑿佛飾
金車馬憧憧皆俗玩也絕勝其在月明夜靜時乎

木綿怨 併序

故亡國權臣乙亥南竄猶携所謂王生沈生者
自隨他不止是此二生者天下絕色也漳州城
南木綿庵既殂二生入烏衣樞使家丙子謝北

行其年十月天台破清河萬戶得之挾以俱北
庚辰正月張卒久乃南還謂慣事貴人巧伎藝
拙女功仍願粥為人妾或競鬪垂涎惟健者是
歸故寫之古樂府以為世戒焉

湖山一笑乾坤破欺孤弱寡成遷播不念六官將北行
太師雙擁嬋娟卧甬東香豔到漳南爭看並蒂芙蓉過
天兵及頸幸全屍想見駢肩淚珠墮木綿花下痛猶新
已向誰家踏舞茵長頭未及死肉冷折齒遽專妝面春

赤城戰場夜避火萬里又隨燕塞塵肉食酪漿更苟活
不慙金谷墜樓人萬戶郎君端卒死却自金臺還故里
嗟爾薄命兩佳人三為人妾亦可已巧畫蛾眉拙針線
空自纖纖長十指後堂執樂換小名更事少年貴公子
憶昔軍中入相時潛搜密邏漁妖姬民間妻女凜不保
何啻如花三五枝曲江近前少陵恐今日搃孕他人兒
賤獲淫婢何所知但為權臣深惜之

聞盜

全吳稱富庶一水忽蕭條稍辱君公察焉容盜賊驕浦

荒橐物謝田落介蟲饒見說塘西路人家總被燒稻沒矣蓮

艾亦鮮徒多螺蚌

八月朔後雨晝夜不止

原缺一字茂絲毫暑何庸一再霖秋陰酸病骨夜滴碎歸心

劇盜應旁睨餘田或盡沉無燈黑如漆臆度近更深

小飲張季野宅分韻得張字併序

仇遠仁近屠約存博張垞季野方回萬里以姓

為韻回分得張字是日訪劉伯宣尚書遇史紫
微參政言據荒事而退故詩中及之

塗潦訪遠客未免褰我裳同行二三子先後相扶將
達官肯忘勢鱗次升高堂具言大雨水民饑糴估昂西成
已無望顏色俱惻愴斗升棄孩穉此事真可傷今年劣
足支所慮明年荒肉食念溝瘠豈無籌策良有司執所
見猾吏尤不臧老夫頗涉歷意欲輸毫芒竊虞水投石
徒用熱中腸不如歸去來滌悶尋杯觴平生濟物心已

弛不復張尚於朋友間未減詩酒狂華屋舊公孫燕室
書畫香娛琴適情性悟碁知興亡萬事不掛口逍遙參
蒙莊繆忝相如右終慙思曠傍淫霖苦未已積陰翳秋
陽時艱近至此盜賊將披猖一醉豈易得悲歌成短章
邂逅即分首相思雲樹長

丁戌行

八月己未朔初六甲子秋分初九丁卯
釋奠初十戊辰祀社雨不止凡十日

丁日釋奠集儒士戊日賽社驩農民四海干戈萬事革
獨此髣髴殷周因古禮僅存吏治落農極憔悴儒尤貧

章甫

原缺
二字

笑罵衆夫須服田科歛頻今年五月大霖雨

舊穀已

原缺
一字

新

原缺
二字

精鑿有之敢靳價萬錢不得五斗

陳青衿生徒

原缺
一字

困餒白首父老空嘔呻仲秋甲子雨

益甚山懷河溢陰踰旬庭酌壇獻想草草瘠牲酸酒羞

明神一旦警急盜賊起生聚未保明年春錢塘兒女長

市井書燈耕耒兩不親但知佚樂逐浮末豈料離亂遭

風塵丁戊二祭實素昧競詫潮過天涼新肯念道傍橫

死人芙蓉金菊迎佳辰

今秋行

八月十五夜賞月樓臺綵管沸金穴百萬珠簾捲嫩涼
茉莉花闌木犀發八月十八日觀潮幕帟粉黛迎蘭橈
雪山沃天雷動地出沒紅旗爭錦標此是錢塘舊風俗
驕貴小兒生華屋四時有春無秋風常知歌笑不識哭
一年不似一年秋漸衰漸老成白頭去年之秋尚云樂
今年之秋何其愁中戶田租三萬石水潦不容收一粒
况從兵亂窘避地白壁黃金俱喪失前朝後市舊富人

半作道傍藍縷身委巷小民或絕食粥賣伉儷捐僮俵
一切時節不復講履長賀歲猶鹵莽淫雨連旬未必晴
潮何人觀月誰賞月缺月圓宵復宵潮落潮生朝又朝
事與承平不異處唯有南來秋鴈飄

中秋

去年有酒苦無月今年有月却無酒睦齋杭邸兩中秋
依原缺一字懷人夜搔首有酒無月猶自可有月無酒愁殺
我餘生歸老紫陽山無酒無月俱等閒

寒早

春閨秋寒早人窮物議多孰非愁裏老聊且醉時歌輕
捷矜乘跨張皇侈殿呵老夫自高卧風雨夢漁蓑

醉吟五首

積金至充棟量珠動論斗甚者愛玩具日夕不離手匪
德身不保徒為他人守吾嘗蓄萬書田亦殖數畝一旦
忽破散此事悟已久醉卧一衾外餘皆非我有無錢不
必憂有錢即沽酒

去年所見人今年忽無之何況六十年追憶童兒時三
皇及五帝安在堯與羲謂古有不死學仙真愚癡崇高
易深拱喪亂難前知氣力儻可恃不歌陰陵騅吾手幸
未廢杯來何不持

有興云不亡謂晝無夜時達人悟茲理何用浪自悲姬
周過八百再傳嬴秦姜彭殤共一盡脩短何議為屋角
鴨脚樹開戶閒觀之昨者見生葉丹實今離離老夫欲
不飲奈何霜鬢催

竊評先民詩尚復有長短後進與茲事我意終不滿語
言豈不工良欠旨意遠音節混淫哇氣習沉季晚顧於
五柳公獨左為劉袒異哉晉宋間有此昭華管日以酒

酌之一

原缺一字

或百返

淵明年十九謝公破苻堅此時尚可為未及出仕年太
傳一邱志永言負東山道子國寶輩日趣晉祚遷參軍
與百里龜勉一紀間典午竟已矣於茲遂歸田至今會
心人仰高醉中言

次韻鮮于伯幾秋懷長句

踰燕涉漠將十霜西風滿眼榆林黃時逢北客話圍場
鞍馬意氣猶揚揚駱駝紅乳蒲萄酒袒割一醉千百觴
君今病店卧南方掉頭不顧尚書郎紫陽山人餓欲死
江湖一壑秋田傷哀歌相和意慘愴夜視宇宙何茫茫
次韻鮮于伯幾秋懷古體

斯人晚始識浪走天下半既將戟為髯更用田作面大
材異拱把勁翮謝籠絆去年主糟邱稍厭盆盎亂忸怩

較毫釐踴躍凌汗漫今年竈產蛙田里足咨怨民窮如
受圍合遣老將援醫王殊不靈瘡鬼未即竄卧念為魚
者厄運孰與這羸馬僅芻秣稚子且葵菟大似周南留
寧有東平戀或報御史除搔首亦弗願點勘篆籀古掇
拾簡編斷秋雨吟齋燈夜月鄰砧練一醉洗抑鬱豈無
愛酒伴蠖屈未可欺鵬搏詎能筭

旅窮中報生孫名曰守

八月初八日
卯時存心子

瘦面皴肌暗自捫薪殫粲盡復空樽浪言官至同三品

且喜家生第四孫，孰謂將軍雖不逝。其如處士菊猶存。

忍窮守道吾心定，胙土專城莫更論。

舊制節度州同三品

俗嘆

六十餘年老病身，少曾識破世間人。俗碁幸勝元無着，市藥多誇摠不真。傅粉塗脂何可近，藏機伏竅未須嗔。蓮華嶽頂看秋月，莫向長安踏市塵。

歸興

投老深知萬事難，骨骸熬暑又煎寒。暗量已覺窮無敵。

退省猶須強自寬
稚子能吟青玉案
異人初付紫金丹
先生歸去山中好
剩有閒雲許細看

八月三十日曉晴

高樹號風始欲丹
秋晴詩老試憑欄
食貧破硯驚猶在
身瘦寒衣覺漸寬
家裏兒孫音問好
客中僮僕使令難
雪前霜後歸吾圃
瘦菊踈梅儘耐看

獨酌有感

破牕枯葉共秋聲
寒近貧人共喜晴
守道故知終有命

感時焉得便無情今年浙右全傷水何日天涯盡寢兵
聞道街頭賣黃雀且須沽酒作南烹

始寒

與客觀碁日又晡佯狂落魄老江湖未妨行事諸兒笑
敢謂知心舉世無幣竭併將空橐售衾寒兼着破氈鋪
還家爛醉東籬菊猶有兒能為我酤

自釋休官之意

七載休官學老農間關垂死脫兵鋒折腰早覺身難屈

饒舌懸知世不容已幸櫟陽歸舊質可能稷嗣冀新封
時清猶作茹芝老杜叟斯言我願從

寄題趙高士委順山房

紅塵回首即蓬萊辛苦龍門枉曝鯁道與時行誰不願
心為形役自堪哀閒觀劉項臨碁局笑挹羲農入酒杯
欲乞長年仗青鳥三危天遠肯重來

簡鄭高士真一二首

憶昔西湖壯閑尋隱士廬水濱維舫艫屋角認棕櫚紅

出仙人酒黃披老氏書寫真元有約隔歲定何如

再見湖東岸遷居傍廢城鷺群窺釣石荷氣馥棊枰歎
歲難羈旅泥途厭步行幽懷徯清話豈不向君傾

為陸元德題搗謙齋

彥若

四體非槁木焉得常無為下士蔑軌則德人慎容儀屈
伸一時間良復闕安危舉手一不當尚難令童兒橫目
愚而神豈可易指搗造次肆褻慢合沓來輕欺臂且有
所使銜袖未出時恂恂君子心於此先有思脫若役吾

僕未容盛氣施剛桀世詎乏受侮寧無辭畫一發狗縱
厥規曹也隨年老益畏謹請苑猶名疑捉塵授生徒秉
鉞行軍師一如執玉恭庶幾無悔追

贈沈復亨
雷陽其父沈愚庵註易

乃翁辛苦註周易曾夢神人談太極清泉煮蔬啖糲飯
醢鹽醬薑俱不食迎霜獵獵緼袍青映日蕭蕭頷鬚白
自云今代王輔嗣憔悴形容人不識有子有子狂非狂
其名復亨字雷陽十五早學張道陵二十已成費長房

篆符呪水逐鬼物朝遊燕齊暮衡湘信竒喜異世不少
指空說無饒衣糧讀古人書識道理定復在陳饑欲死
不如沈家跨竈郎恍兮惚兮行怪詭村驚郭駭爭贈詩
我亦徇俗書此紙萬事宜假不宜真徃徃神仙亦如此

送周君暎之餘姚講授

絳帳飄然適海涯月明任意揀南枝腹中書不煩行李
牀上琴堪當侍兒馬隊定無元亮句草堂寧有稚珪移
他年會作安劉事且向深山茹紫芝

次韻仁近九日子病不出

炎涼飄忽嘆如流，久客仍逢歲不秋。
高處未應堪著眼，悶中惟可獨搔頭。
市酤太惡難霑醉，晴色良佳竟倦遊。
戲馬龍山揔灰滅，兒曹焉悟此身浮。

舟出東新橋

市聲巷語哭還歌，客舍喧啾奈汝何。
才出城闈愁眼豁，適逢秋霽病身和。
力行古道於時背，心感皇天所相多。
鴻鴈稻梁焉用足，政須寥廓謝虞羅。

泊臯亭山下

草草供行役，奇奇就苦吟。
飯遲緣共竈，舟窄僅容衾。
稍冷天須霽，將明夜已深。
江湖四十載，空負一生心。

過臨平鎮

樓船載甲曉聞鉦，知是何營將校行。
百五十年興廢事，韓家軍馬戰臨平。

過長安市

算橋租菱小市，譁堰頭橋尾約千家。
人家已盡無人處。

時見芙蓉一岸花

過崇德縣

枯柳無風影不搖
敗牆頽屋意蕭蕭
忽然喚醒承平夢
猶有紅欄夾畫橋

過石門

麥田下種稻田乾
秋盡江南亦未寒
水淨風微舡牽慢
萼花蘆草盡堪看

泊皂林

破鼓如敲板荒營野市邊地平天四覆月望日雙圓祖
謝悲人物災傷惜歲年吾行為何事洛詠不成眠

聽航船歌十首

或節其私語為之

北來南去鴈還飛四十年間萬事非惟有航船歌不改
夜深老淚欲霑衣

莫笑船家生事微新紅米飯綠蓑衣一聲欸和一聲乃

誰識人間有是非

欸音靄
乃音襖

家住斜塘大戶邊時荒米貴欠他錢從此駕船歸不得

無錢且駕小航船

四千五百魏塘船結拆船牙解半千一千修椀貫三米

三日盤纏無一錢

予所雇船如此

十千債要共千償債主仍須數倍強定是還家被官縛
且將貫百寄妻孥

南到杭州北楚州三江八堰水通流牽板船篙為飯椀

不能辛苦把鋤頭

舊航船不過揚子江今直至淮河三江者錢塘江吳淞江揚子江八堰者

杭州蕭公開北關堰常州犇牛堰呂城堰潤州海鮮河堰揚州瓜州開而名伯堰小不與其一楚州北神鎮堰

崔載錢輕載不輕阿郎拽牽阿奴撐五千斤蠟三千漆

寧馨時年欲夜行

載音在

南姚村打北姚村鬼哭誰憐枉死冤爭似梢工留口喫

秀州城外鴨餽飽

秀之南門至海鹽縣古塘八十里人帶刀離劫十二年間私殺官誅骸

骨如邱

賭錢輸了阿儂哥黃草單衫破孔多相趁縮砂紅豆客
霜風九月上淮河

船頭船尾唱歌聲蘓秀湖杭總弟兄唱攏唱開不相照

阿牛賊狗便無情

阿皆音押

柵堰二歎

船行三五日不得不思家
索米開橋柵徵錢運堰車於
官何所補為客自堪嗟
况復饑荒後群偷沸似麻

桐江續集卷十三

欽定四庫全書

桐江續集卷十四

元方回撰

過秀州城東

海邑疏囚昔此過，鳴榔未了又漁歌。
重來野色秋如許，似覺人家舊更多。
晴日茅簷橫曬布，水田竹架倒扞禾。
吳儂苟且度饑歲，焉得官廉吏不苛。

將至魏塘鎮

客路晴為最，舟行穩似車。
天形環澤國，秋色畫田家。
未

用怜霜草猶時見
水花鴈過知已近
鵲語故微譁

為魏塘王居士留三日二首

文政

水鄉熟處未全饑
舟楫安行盜亦稀
乘興聊為三日客
魏塘酒賤蟹螯肥

魏塘酒賤蟹螯肥
久要人情忍重違
呼妓訪僧俱不必
醉三晝夜可言歸

曉發秀州城南

較似蘇湖郡無山
四渺然近城先見塔
出戶即乘船曉

澤升紅日秋光際碧天
稻梁無不足最憶舊豐年

漁家

全家居小艇面色總成鰲
何事偏多子平生僅一妻
螺羹蕪蚬肉稗粥和杭糲
細省莊周語逍遙理未齊

復過臨平

岸上頻呼喝船中劇蕩搖
倒桅將過市落牽為逢橋
解斷非羲卦漁榔即舜韶
客愁元歷歷詩思亦飄飄

過許村

長安才上堰風物似微饒野老能相認輕船不待招炊
菱開甌熟秤鯽滿籃跳偶有樽中物何為斬一洩

會鶴臞鄭高士真一庵為予寫神走筆賦雜言

我不羨渠乘大馬食肥肉我不羨渠寢細氈居華屋富
貴兩字輸與渠奈渠未免一字俗我有詩腸如月朗三
秋我有酒腸如海吞百瀆西湖之水足供酒一杯西湖
之山可作詩千幅羽客寫我醉吟意雪為長髯雷為目
豈知天上三台星馬用人間九州督仕宦不達坐多言

衰老未死緣寡欲眉毛及鬚尚如漆此為壽相萬事足
莫言不智又無福寧當忍窮勿受辱氣豪未減天外鴻
神清差似霜前菊有人指點問為誰云是紫陽方虛谷
欲求我者南山之南北山之北

鄭無貳和予雜言有緣督之句用韻謝之

可食不必駝峯肉可居不必鴟尾屋竹籬菜羹人得知
此中有士定不俗東里先生癯似鶴閒門不受童蒙瀆
七絃琴外碁一枰七星冠上巾一幅忽然一日紫陽虛

叟來暫肯朦朧開睡目朝聞客子代穰侯暮見河陽
誅汧督居然鵬鷃自不齊孰謂熊魚俱所欲平生此老
世人嫉若讎至此方知夔一足無心敢傲夫馬福勿用
小榮包大辱富兒貴公百花盡吾曹冷落如殘菊君不
見老氏故書教我云守雌守黑為谿谷會當訪公更謀
一大醉幕天席地軒卧無南北

次韻贈仇仁近

如池之酒如林肉不與寒士作厦屋馬畜彌山金滿堂

此但可以駭愚俗得時引類上雲霄失勢舉族填溝瀆
曾不若仇翁方叟兩窮交相與坦蕩忘邊幅知我無錢
借書令我典至今市井小兒相指目嗟今之人我未識
可魯陽虎宋華督屈心抑志諒未能及物濟人非不欲
古人曾次一相知劉文叔忘其腹嚴子陵忘其足後之
君子莫若自求福考槃遯肥遠匪辱檀道濟號為萬里
之長城何似陶元亮醉卧一籬菊危途所至太行坂深
坑莫測沃焦谷我將歸老紫陽山尚恐烏大夫之馬幣

聘溫生洛之南聘石生洛之北

次前韻述將歸

我雖無絲無竹亦無肉猶有杜子美萬卷書猶有陸士
衡三間屋作詩寧作郊島之寒瘦終不屑元輕而白俗
文章雜在衆人大似濁河橫濟瀆平生浪費幾吟牋
何啻右軍九萬幅既嘗注漆園之十九言又頗擬栗里
之四八目道眼一照百皆妄未若奴耕婢織躬課督江
湖落魄但欠一歸耳休官已幸天從欲子男女七孫四

人有菜共羹吾亦足過此更徽非妄福政恐招憂復招
辱宅門夏蔭雙高桐園徑秋香萬叢菊於是自歌招隱
歌歌曰鶴怨猿驚兮在空谷四十餘年萍蓬將七十又
何必越之南燕之北

十月初六日同仇仁近至王子由庵遂飲白雲李
居士宅書事

初上吳山北遂過吳山南茂樹悉剪薙餘石空巉巖向
來華屋處十不存二三忽如入壺天偶得羽人庵閱畫

有遠意評詩無俗談背湖萬松嶺面江三茅觀人煙向
如織今者篁竹半獵士捕乳虎伏弩行者斷野獸出城
市白晝無忌憚昨僅獲其一此事可三嘆誰家有幽居
下瞰煙雲洲西極夕陽外東窮滄海頭一覽不欲盡翠
樹蓄其樓主人雅好事置酒更獻酬禹穴渺何許指視
令人愁酒中泛酥椒酒味彌芳烈菓蔬無不佳霜螯風
味絕卜夜意未闌醉歸步微月人生了一日世故劇瑣
屑窮達不足云興亡詎須說

見李提學景安所和詩次韻

南來藉藉已聲先，遙挹清揚意謂然。果見新詩金擲地，始知餘子管窺天。三書光範門前拜，一斗長安市上眠。舊日猖狂俱已矣，輸君衡鑑政高懸。

題仇仁近白駒詩圖趙子昂畫及書

至潔不見取，此責自有人。絜維幸不及，遯野醉自珍。上下不相求，於中歌者頻。歌者誠愛賢，賢者亦愛身。

次韻李景安提學同過伯樂

萬卷芸香擁燕居客來談論洵淮湖精言琴律根前輩
朗誦詩篇厭老夫胥謂買隣遷爽塏祇應負郭欠膏腴
真能隱處非難事恐有天邊尺一呼

宦學因之當卜居定能騎舫過林湖遺編早已探千古
緒論何難奪萬夫近日人才愁閨寂此君風味極芳腴
香山老子閒無事張文殷兄或許呼

同伯幾過張子範子周兄弟園池

銘鏤

堂上琴書間鼎彝簷前金鯽映冰池園林花木初容見

家世衣冠便可知熟識二難俱好事偶來兩客各能詩
一時觸目多佳思爛醉如泥竟未奇

何處消除半日間看朱成碧夜扶還定知此意風塵表
能致吾曹水竹間孝友門闌佳子弟承平人物舊湖山
飲多過量成詩緩酒醒思之亦厚顏

留題槃隱高士王子由書齋

萬宇橫陳碧瓦齊濃嵐淡靄總詩題隔江煙樹牕中細
過海風檣檻外低琴僅可絃星半缺壁應欲畫雪新泥

南華卧讀兩三卷猶喜晴簷日未西

次韻仇仁近題王子由隱居

涼牕暑却扇燠閣寒謝表主人一不凡永無俗客遊地
高山使然十倍百尺樓人品似更高不識王公侯是中
即洞天何所復崑邱靈府能自超玄關元不幽染腴匪
道味涉累非仙流寂靜保此室毫髮不外求有書亦時
讀一日踰千秋

頻至子由書齋追記遊事

行山稍已倦，徑作坦腹卧。若至即仰啜，即復起端坐。拓
牕眼豁然如見天，宇大金碧何太麗。玉雪不受澆，向來
宴豢人魂兮復誰此。積沙東西移，怒潮日夜簸。煙表越
樹細，雲端海鵲過。人生僅如尺，倏忽分寸挫。萬古一悲
歌，悲歌孰予和。

仇仁近之姑蘇別後奉寄

詩眼到姑蘇，今愁古恨俱。臺驚吳後鹿，江問漢時鱸。矯
奪風應息，懷襄氣未甦。梅邊早回首，飛鶴望林逋。

白雲李處士於大樗下築小庵用題王子田書齋
韻賦之

天地元知一指齊
樗庵小小架椽題
故應懶散身常健
孰謂昂藏意未低
神氣自調丹鼎火
僊班不藉紫芝泥
落成此老來酣飲
酬爵端容據席西

白雲山房次韻馬道士虛中三首

閒愁不斷連天遠
濁醪快似并州翦
興亡得喪橫胸中
水消雪釋春風轉
我本不學抱朴翁
何脩致此丹砂容

服食呼吸能還童不如但飲瑠璃鍾寶蓮山南屢簪聚
醉鄉不省歸來處東隣西舍姓名誰但記門前大樗樹
意所欲往路無遠暖韭早梅政堪剪相逢不少酒一盃
大勝能成丹九轉爭席者誰斯薪翁何至帖奉魚軍容
我一山僕君一童亦無娥眉間歌鐘忽如雲散條萍聚
無何有鄉是歸處寄聲為謝黃面仙焉用七重圍寶樹
霜淨天空心共遠一縷遊絲無可剪欲識人間真道人
眼近紅塵念頭轉歷歷落落一禿翁取數過多邴曼容

從今教子為牧童，豈復敢望銘鼎鐘。閒朋冷友時相聚，
方寸不無暗合處。谷神玄牝要深知，釣竿須拂珊瑚樹。

次前韻將歸隱黃山

我家黃山百里遠，兩峰插天翠如翦。歸心久落故溪雲，
柁轉不由船不轉。采茶斲藥呼隣翁，藉草地寬何不容。
挾兔園冊教兒童，菜飽無異祿萬鐘。底須太史占星聚，
世人尋覓無知處。海內故人脫相思，江東渭北空雲樹。
追次仇仁近韻謾成三首

儒冠誰使着何至動言貧此事須吾黨相期到古人衰
顏猶可鏡短髮僅堪巾舉世無知者孤燈夜獨親

卧思身世事無夜不更深脫難泅登岸逃名影就陰樽
中醉魯酒弦外自陶琴詩就誰能賞徒勞太古吟

風雲乘變化微賤忽公孤內足窮過達多求知返愚談
鋒椎衍奭筆陣掃孫吳時彥當如此吾歸釣雪鱸

送杜景齊歸平陽二首

每憶東甌郡柑花入夢香市人無素服田婦亦紅粧鸞

蟬豐漁戶犀珠聚縵商年登猶足樂何必殫錢塘

君住平陽縣無家不讀書計偕今已廢師授未應踈兵
革崩騰後衣冠喪蕩餘別懷似難寫吾道竟何如

贈徐瓢翁

孚

二首

碧眸冰齒壽眉厖誰識前朝老雪江指下七弦今第一
豪端行法更難雙向來屢獲觀詩卷恨不相從倒酒缸
深愧後期似圯下雲間幾度拓吟窻

君屢于李白雲王
磐隱山房候予不

至

六十年前欲冠時
江湖聲價已颯馳
四靈在昔三曾識
八袞于今百可期
多難漸驚前輩盡
老懷那許後人知
何當琴酒燈牕夜
莫說興亡但說詩

丁亥十一月初八日南至二首

閒客何庸早起忙
高眠懶復問雲祥
宦情不作葭灰動
吟筆寧爭繡線長
逆旅四年逢此節
徒行六日可吾鄉
衝風踏雪須歸去
薺菜肥甜白酒香

涉險騎危一紀強
四驚陽復寓錢塘
山深黥歛生涯薄

水溢蘇湖歲事荒暫遣歸寧憐小婢尚遲絕少撫諸郎
官壺豈似無灰酒有客携來亦盡觴

至後有感

秋來意欲過江東建子侵尋月已中晴日久之今雪作
老夫于此豈途窮未嫌江泌衣生虱尚許嵇康目送鴻
可怪平生非一事無勞咄咄漫書空

喜雪

寒空雨止暫霏微積漸隨風散亂飛夜氣直能欺毯纊

晨光不待啟牕扉
兒童踴躍歡聲起
烏雀摧藏過翼稀
想見竹稍亞梅處
家人掃徑望予歸

雪中憶昔五首

丙辰雪天遊湖歌
晁無咎摸魚兒今三十二年
乃後亦往來不一所以興懷

憶昔浮蛆醉玉醅
天寒一日飲千杯
危樓擁妓臨晴雪
聯馬呼僧認野梅
豈料暮年紉敗絮
尚容永夜畫殘灰
間關幸脫干戈死
落魄佯狂自可哀

憶昔繁華侶俊遊寧知後死挂閒愁無人復唱魚兒曲
何處重尋燕子樓張敞空思前漢尹邵平誰識故秦侯

定應冥漠猶遺恨蔗節瓜犀啟夜邱

魏京尹墓亦為盜所發

憶昔華年氣似雲雪湖終日醉醺醺室家未有兒和女
賓主相忘我與君豈信亂離生白髮猶思歌笑調紅裙
扁舟一問桃源路治亂當時自此分

予三十一歲丁巳始生女時程相當

國戊午相丁予從魏尹如武陵世事頓異

憶昔凌晨泛雪湖明天淨地一塵無畧聞倩盼歌金縷

盡聳清揚倒玉壺屢造廟朝終擯逐偶登名第自囚拘
即今忍索梅花笑死徒流離足嘆吁

憶昔湖天雪最奇畫船朝出暮歸遲忍寒賞竹憐高節
踏濕尋梅致好枝熟醉何嘗知病酒狂吟所至動成詩
襪襪凍雀今相似心欲高飛翅已垂

寒夜

薪藥常相迫衾裘本自單至分驚寔改去住覺俱難愁
與思妨寐霜兼雪倍寒百年誰不盡一夕獨堪歎

寒朝

甚欲常晴日何堪復暗雲
樹寒禽縮項雨凍瓦成紋
歸路非嫌凜行庖豈厭葷
獨能知此意朝鏡白紛紛

十一月十四夜聽雨為霰聽霰為雪久之雪復為驟雨自昏達旦無寐

雨聲更霰雪昏聽達清晨自笑能吟客常為不寐人
絮寒勤拭涕箒響懼翻身苦語知誰會應堪泣鬼神

過李景安論詩為作長句

三百年來王五七追雅媿騷誰第一獨聞彭城凍正字
向來得法金華伯終古不朽語言在以詩教人人不識
善學少陵而不為殆如孟子不言易世人往往談神僊
便欲插翅登青天邀尋道士學服餌朝呼暮吸夜煉煎
換骨一語曾未悟未辨黃庭脩內丹俗流無骨但有肉
蝦蟆敢競驪龍先姚合許渾精儷偶青必對紅花對柳
兒童做之易不難形則肖矣神何有求之雕刻繪畫間
鵠乃類鶩虎勝狗由陳入黃據杜壇當知掬水月在手

後生可畏嘗聞之君友何人師者誰雙井白門浣花脉
實字用正虛用奇鬱輪袍曲異箏笛藐姑射姿無粉脂
梯危磴絕不可近尚有簡齋橫一枝

十一月十五日

倏忽何庸詰參差未易齊樹枯元不死雪盡竟為泥豈
謂身纔老從來意欲西一窮寧骨立九殞未頭底

十一月十五夜

竟與鰥魚似無由濁蟻持百為元有命一往復何疑殘

夢終難續深憂暗自知
隣籬夜啼急吾亦憶吾兒

得存心書訴貧

務得終多懼圖全敢嘆窮
懶能爭口腹差覺負兒童
客久叢咨怨年衰絕變通
雲臺少馮衍未必盡人雄

再讀存心書

每報家書至心如喜懼
何欲開疑有故已讀幸無他
典弼貨財罄寒飢幼稚多
衰門真可歎兩世誤儒科

次韻景安提學謾成三首

敢着尋常白眼看壑冰峰雪照人寒言詩已是登壇將
勸學聊為祭酒官士類相推無異論親顏遙覺有餘歡
即今人物皆公等豈不憂時意稍寬

豪釐俗事不留情詩律崢嶸骨骼清初僅傳聞心已服
每當展玩眼尤明笑談足使千軍掃移幹真能九鼎輕
焉得夜檠對吟影同聽急雪打牕聲

歲晚江空野沈寥衝寒訪我不辭遙褰裳却馬從泥濺
掬水烹茶待雪消百戰奚為蝸左角一炊未辨米長腰

尋梅端許忘車笠握手城西遍六橋

景安錄示舊雪詩擬簡齋走筆賦所感奉謝

名都十萬戶擁貂者為誰一二達官外絮纒或無之南
雪壓瘡癘此事不可遲寔人既云衆速霽斯為宜天公
作惡劇十日韜晴曦平地尺未已塞門湮途岐少年未
更事駭謂如此竒危登或深泛一酣傾百卮今年老更
窮客爐擁虺羸稍稍穴牕隙縮首畧一窺未卜麩麥王
但憫烏鳥飢大兒寄書來土凍菜本萎歸家煮荒蕪一

飽亦肉糜寧當卧袁安何用訪戴逵答云有故人貽我
幼婦詞未妨三十韻一酬帶間詩

次韻景安吳山觀雪

盡洗眼底塵頓寬胸中憂此雪端為誰竒哉君之遊平
步飛鳥背長嘯孤峯頭恍惚闔風苑嫖姚結隣樓了不
異天上培塿視九州北方當此時如蝟縮馬牛南方幸
不然但覺瑞彩浮晴日一以出壯觀挽不留作急着妙
句小費靈府謀老夫儻可從亦足祛窮愁凡骨絕仙分

勝覽輸高流乃後有佳集次第或見收冰解燒痕青閭
梅孤山幽

雪中俞仲困寄詩見懷次韻

客囊單乏去途悠欲詣高人未有由如許江山明霽雪
與誰詩酒共危樓忽驚天外来雙鯉自笑人間寄一鷗
舟滯楫膠肯予相官河水解即乘流

留杭近三年得去賦不可不出城

不可不出城頑軀百無病不可不出城老眼亦何淨第

一脫俗塵最便于野性第二井不鹹所至水可飲第三
魚價賤第四酒味勝第五無火驚第六無燈禁第七航
船歌款乃亦可聽爾曹居城中小屋如敗甌臭穢之所
蒸面面環廁圍五更聞喪鼓骨肉付煙燼巧偽以為生
語無一可信婦女狐媚繁商賈狙詐競天下不皆然杭
城為特甚我今才出城七美一朝併眺望心神清眠卧
魂魄定空濶水雲間孰謂雪風勁寄語城中人何時免
闕牢不可不出城所以發茲詠

泊赤岸微曉

今年夏雨水浙右歲事失五月客杭城市民幾不粒逮
乎書雲前稍稍喜晴色轉手又不然一雪二十日豈止
閭巷窮大半缺衣食我窮尤自笑亦嘗二千石今如故
將軍俗眼不見識下舟北關埭泥水何狼籍離披一破
傘耄杙兩敗屐俗諺雨夾雪未易得休息大雪復大雨
造物詎容詰施師所見債脩廣僅數尺而我凡五人卧
處殊太窄初過臯亭山垂近平驛有酒二三壺聊以

慰僕厮吁嗟歲云暮何苦事行役馬援壯志已阮籍窮
途迫永夜不復眠孤篷滴復滴天地豈不大一葉寄茲
夕

下長安堰

已雪又復雨天寒行路難船中寒尚可未若堰頭寒已
雨又欲雪泥深行路迷岸邊泥尚可未若堰頭泥官船
買船逾十丈終日牽攀僅能上小船不濶五尺者大船
塞之不容下堰夫慣見甘途汙軸膠纜斷相號呼得錢

瞻家計未愚不惜身如牛與豬人生劣可足衣食何必
來此堰頭立

泊崇德縣曉作

岸上馬蹄響縣中更鼓清篷背雨亦止意當明旦晴夢
記所泊處喬木枯崢嶸天色果開否浩浩惟風聲篙師
夜先起船尾燈火明苦寒未可發婦為治殮烹嚼似
有味宿昔餘蔬羹人世如此耳役役一飯營負販規貨
利干祿求榮名斯人以家浮止爾了一生大者據疆土

以國相攻爭至微若螻蟻行陣有戰征我卧思此事究竟終何成頑僕懵無知鼻息如雷鳴

過嘉興道中接待寺丁丑十二月赴逮揚州遇雪

留宿愴然有感

疇昔留此寺亦茲臘雪天天寒了不異俛仰十一年是時尚守郡赴逮趨淮壩不知坐何事自省無尤愆家有屋幾間亦有數頃田書生未甚窮不憂無酒錢事白夏至秋然後得南旋即今身自由幸已不屬官客貧一物

無駕此如葉船四僕色常飢况望酣與羶家人九霄外
何由致索饘豈不亦念我逢麴流饒涎我非不欲仕危
途畏躋顛勢雖已窘迫心終無憂煎新歲六十二白髮
被兩肩尚堪屈此膝跪起貴要前訪舊非得已誰當佐
腰纏尅日可以歸小俟春牛鞭

永樂沽酒

大寒豈可無杯酒欲致多多恨未能楮幣破慳捐一券
瓦壺絕少約三升村沽太薄全如水凍面微溫尚帶冰

爨僕篙工莫相訝向來曾有肉如陵

泊嘉興城北門外

老病今如許江湖豈所宜未妨寧過計不是故多疑
歎歲真難度姦人或見窺移舟入城泊何敢強違時

聞舟人既畏寒復畏盜

縹緲凌空一葉船閉篷端類管窺天千林盡楮當寒月
萬室俱枵更儉年未必風餐真墮指其如草竊正垂涎
瓶梅斗汲山齋夜曷不歸歟枕石眠

觀岸樹

行舟觀岸樹意若有不足豈惟檉柳楊亦頗間篔簹竹猥
瑣匪大材誰謂真不曲北風稍向南南風稍向北弱質
不自由隨風作反覆我家有喬松似是千秋木下無藤
蘿纏上無禽鳥宿清陰蔭百畝毅然立于獨八風吹不
動矧肯變寒燠是可託吾廬隱居于此卜馬能江湖間
浪與此輩逐

驛馬嘆

鐵陣突萬人，馮駕行九軌。聖門稱其德，成功亦云偉。嗟爾驛騎者，售身墮泥滓。朝才南一程，夕又北百里。鞭走不暫停，脊背作瘡痍。爾生既無知，爾死然後已。鹽車未為甚，敝帷無復擬。惟人役萬物，致用斯為美。用之失其所，益此即損彼。服牛利播種，鑽龜卜休徵。牛龜何不幸，為人謀何矣。釋氏欲無生，厥意殆見此。奈何說輪迴，眩俗滋譎詭。人畜互相為，萬萬無此理。皮毛受困苦，王侯享華侈。謂皆前世事，風業之所使我獨。謂天性豈各私。

一已生園形骸間死散虛空裏性同質不同竄易烏有
是愛人而愛物人當近仁耳使其一不愛何惜一馬死
我賦驛馬篇哀歌有深旨

大風寒微晴

窮旅寬愁思嚴寒作淡晴終須開日色何可欠風聲地
白猶含凍天青漸放明吳門稍和暖應有故人迎

大雪泊平望買酒戲書

天若不產綿世多凍死民世若不釀酒亦復愁殺人凍

面無人色泊舟下塘側綿衣既云薄酒亦何可得妙絕
少陵句舟重欲無聞袖手復縮脚意終思一醺試一問
篙工酒自此間有奈何泥滑滑寸步未易取不恨衣綿
少但愁無酒錢能將錢致酒即似衣添綿忍凍至于此
猶喜肆嘲弄此雪遂大作不凍復誰凍

書所見

春風元在眼雪定不難消凍杞垂紅子晴蕤動綠苗行
人相叫喚旅鴈忽驚飄古柱鐫年號承平舊石橋

小長橋書事

似覺晴光稍不同
天成奇句與衰翁
雪滋死草芽先綠
冰浴新鷺掌倍紅
荏苒客途驚歲暮
淒涼家事憶江東
小長橋畔誰知許
一棹孤舟萬籟風

太湖觀雪

平生不信有昇天
今日臨風似欲僊
海內百年詩客眼
雪中一葉太湖船
綿綿草樹漁汀遠
續續茅茨野屋偏
定是丹青不能畫
一澆殊欠酒如泉

步雪過長橋

太湖三萬八千頃物色分明為我饒
風急落帆臨古塔
雪深着屐渡長橋一蓑滅沒漁家樂
數字歌斜鴈路遙
小立忍寒不能去百年壯觀盡今朝

晴過常州

雪霜何太甚寒意極今年紅早迎
初日青還見舊天晴
光明草屋煖力破冰田堰路應無礙
頻頻問過船

洛社曉行

船搖不能卧起問夜如何煜煜明隣火遙遙起暗歌暖
知殘雪盡晴見大星多良喜前程穩無風水不波

丹陽道中大雪

輕船搖兀涕垂頤我見人船更謂竒瑣細穿篷仍急舞
迷漫渡水故斜吹孤村茅屋炊煙絕匹馬羶衫凍僕隨
此是老夫有聲畫丹陽道上雪天詩

奔牛呂城過堰甚難

君不見奔牛呂城古堰頭南人北人千百舟爭車奪纜

塞堰道但未殺人春戈矛南人軍行欺百姓北人官行
氣尤盛龍庭貴種西域賈更敢與渠爭性命叱咤嗚
憑氣力大挺長鞭肆塵擊水泥滑滑雪漫天歐人見血
推人溺吳人愚癡極可憐買航賃客逃飢年航小伏岸
不得進堰吏叫怒需堰錢人間官府全若無弱者殆為
强者屠強愈得志弱惟死無州無縣不如此

阻雪留丹陽苦寒

雪沒無行路風吹欲倒人豈堪猶作客忍負不貲身似

水驚衣被如金議炭薪從來無許冷此際豈宜貧

丹陽苦寒再賦

凍雪猶凝滯陰風欲怒號樹梢棲鳥墮船底積冰膠孰
匪焦光室誰能范叔袍竟無霑醉策足與苦寒鏖

留丹陽三日苦寒戲為短歌

自從書雲入嘉平一月間無三日晴大雪二十五六日
漫天塞地水崢嶸吳江渡橋意頗快呂城爭堰心還驚
丹陽古縣暮落牽凍人欲死無人行夜投孤店風更緊

燃草不煙燈滅影北人下馬驚相問自古江南無此冷
求薪不可炭更難僕御告餒衾裯單我生南土六十二
自古江南無此寒卧不脫衣袍帶斷濕靴破鞮泥袴綻
焉得閨人呵手縫可向誰家借針線船路不通驛路泥
田家閉戶如雞栖推車荷擔喚不去寧煨藁秸烹糠粍
可以我而返不如乾坤浩蕩歲云暮豈無擁爐畫灰處
焉用遑遑問征路

喜晴行

漂零蹤迹客囊空
迅駛光陰歲律窮
野次忽驚三夜雪
林端初住五更風
斗杓南指天猶黑
海氣東昇日已紅
稍借晴光動楊柳
歸心肯復後春鴻

白土道中

雪後江南路新晴
野日濃車輿通
旅客籬落聚村僮
漸解波原缺二字泥乾土未鬆
吾家有春酒歸斲故園松

夜宿白土市

雪路岡泥滑無過亦緩行
丹陽朝冒凍白土暮逢晴
俗

織紗為業村帘酒有名販商非我事一醉客心驚

過句容縣

王氣金陵宅僊家句曲山興衰頻返掌寒燠互循環雪
沒陂塘裏春生花樹間頗聞糝羊美無酒破愁顏

建康道中

土入江東厚民方浙右醇踈松岡路雪晴麥野田春往
事更離亂衰年厭苦辛興亡不須歎請看石麒麟

次韻許大初見贈

种元

二首

相逢未覺道途難把酒論詩數夕間磊落曾襟開古誼
從容色笑借和顏長年役役魚千里末俗悠悠虎九關
賴是同鄉復同味一寒如此遽春還

風燈雪屋話艱難各喜詩成咳唾間早幸淵騫同闕里
終當園季隱商山草玄執戟空投閣枕麩叅軍善閉關
祇恐傍人足嘲訝如泥爛醉不知還

贈江東李提學

浩

小難和氣如三春大難色瑩清無塵小難作詩到聖處

大難更自髯絕倫天憐今年窮已極稍慰蒹葭霜露身
惡風劇雪走千里一識頓有兩玉人西岡李氏自五代
彩棒作尉金沙津神堯之子太宗弟鄭王枝葉元至親
衣冠不絕七百歲至今寶藏唐告綸吾家秋崖與題跋
樂石刻玉高嶙峋龍準子孫鴻鴈行髣髴猶見青蓮真
江東浙右喬木國小却管領儒簪紳雅衰風息離騷降
邇來此道尤荆榛少陵一老擅古今學所從入須黃陳
後世口耳逐世好九苞一角誰鳳麟君家兄弟名驟起

傳者驚嘆筆有神門第既已推第一人品學問俱不羣
嗚呼宇宙之大我輩未嘗少高歌一曲吾氣其庶伸

寄許太初

并序

十二月二十八日行七里八岡泥甚至句容縣
為店嫗所詈夜宿無床二橈一羶危坐終夕二
十九日歲除寄許太初一笑

憶昨與君同榻時竒溫疊重狨豹皮醉卧嘔吐汚茵帳
君不諗責予不知一從建康出城去七里八岡泥涉路

一步一滑不可度始復思君寢處處幸有筍輿猶得乘
其實不勝其戰兢句容破店無卧榻一夜打坐如禪僧
老頑窮健耐辛苦地角天涯迷處所客中知我何如人
店嫗無賴肆譏侮蹉跎六十二年身明日又見新年春
祇應獨坐思鄉客猶勝孤征失路人

句容道中

陂滿風初漾林明雪未殘路泥尤覺遠野閣不勝寒軍
過開門少村稀覓店難忽逢新日色久別喜相看

過白土市

椒頌無聞不見讎客途如此寂寥何丙寅小運流年換
丁亥當生本命過白土市荒沽野釀紫陽山遠夢吟窩
還家要及春猶早花滿千山笋滿坡

歲除夜過白土市不宿夜幾失道田家地卧四十
韻

臘月廿九日丁亥之歲除朝發句容縣寒空晴色初初
晴信可喜泥深猶尺餘午憇白土市暮指丹陽湖未至

四十里落彩沉金烏泥晝尚可涉泥夜何可踰况乃岡
坂間十步千盤紆積雪五十日凍塊始半甦雪中間以
雨野溜成溝渠埂塍或斷缺下有不測淤江南舊行役
兩夫肩竹輿與其一跌三不若捨而徒芒鞋既已着豈
復惜衣裾黑者為水潦白者為路途暗中相摸索前行
後號呼右手拄我杖左手一僕扶遠村坎坎鼓守歲以
自娛荆棘莽蒼中焉從造其廬前導忽還迂道遠店亦
無求宿一農家地卧用草鋪於此得偃息豈敢過有圖

煖湯濯倦足濁酒斟浮蛆
意色默相賀天其念無辜
幸無坑穽墮險不狼虎屠
燈下見異物非馬非騾驢
藏牛于屋內云以避穿窬
終夕噍草聲去枕才咫尺
且從者各僵仆不異犬與
猪平生幾今夕亦嘗分郡
符軍府熾庭燎麗譙侈門
符賓客候兵衛兒童奉屠
蘇焉知窮且老狼狽逃村
墟瘡痍腰脅破癢痛皮膚
枯大風鼓天地嘯鬼號鼯
狐使其伏榛莽豈不戕厥
軀遥遥烏聊山有竹有琴
書我故念我家兒女亦念
予目睫竟不交炯然如

鰥魚曉行付一笑終夕空嗟吁作詩紀此事異時示吾
雛

戊子元日丹陽道中二首

夜卧田家牯犢傍晨興私飯煮葱湯
阨窮未覺英豪恥
清苦應容壽命長客路天晴聊可喜
家園春動自難忘
已欣舊歲交新歲却向丹陽憶紫陽

軋軋篋輿獵曉霜孤征無復共椒觴
浮生物物身為累
垂老年年節是常稍聽村田喧鼓笛
遙憐兒女欠衣裳

於潛西上王干路苦憶茅柴白酒香

戲書旅况

垢癢頻搔虱欠烘泥行草宿嘆匆匆欲紉衣苦無針線
每煮羹難得菜葱險惡固宜防賊盜愚頑莫可恕奴僮
間人况是身為客是事難將昔日同

正月初二日晴過常州

客裏三年問歲除毗陵歸路又正初自憐囊溢難沽酒
猶喜船寬可讀書草比舊痕青已倍雪成陳迹白無餘

脫寒就暖真奇事
差覺窮途意氣舒

早風未順喜晴

數星猶自耿寒空
海氣彌天曉日紅
沒脛已無當路雪
打頭不過暫時風
鄉情客思鴻飛外
春色晴光鵲語中
臨酒對花猶健在
誰云矍鑠一衰翁

桐江續集卷十四

欽定四庫全書

集部

桐江續集卷十五

詳校官中書臣孫溶

生事臣呂雲棟覆勘

總校官庶吉士臣倉聖脉

校對官典簿臣劉景岳

謄錄監生臣沈毓鳳

欽定四庫全書

桐江續集卷十五

元方回撰

二月十一日曉發龍山風順

繁華銷歇市朝空
此地何堪着固窮
久似坎蛙居井底
忽如野鶴出籠中
宿醒夜解催花雨
歸棹春乘上水風
及得清明到家否
新芽茶綠牡丹紅

泛浙江二首

不為潮從海上生
元來水淺浪波平
屈曲盤旋船百轉

始知從古浙江名

海門山到富春山礙石衝沙水幾灣不是此江故盤屈
雪濤何得詫吳蠻

曉發富陽縣

長山礮石片帆斜小雨初晴日眩沙回首遙看富陽縣
青煙低罩一叢花

清江濯手

屬鏤憤氣已銷平江入新安水至清淨洗長安遮日手

更容塵土到冠纓

簡趙賓暘

書生豪俠味終酸
詩客顛狂骨本寒
趨就坦夷非不欲
屈蟠老硬亦良難
故將軍已編民伍
冷廣文猶齒學官
何處濁醪謀一斗
能來相送上嚴灘

簡張中白

疇昔兵興豈料今
朱幡猶憶對青衿
棠郊自愧無遺愛
芹泮遙知有好音
練水招予歸舊隱
錦峯輸子擅清吟

豈無樽酒能娛客黃浦門頭一再斟

黃浦門解纜有懷川無竭

舊守煩人送酒錢江邊五夜泊歸船就中最憶南山好
一老癯僧伴醉顛

始暖

垢汗熏蒸蟻虱肥花前未洗雪泥衣到家兒女應相訝
四載漂零僅一歸

別後

朋簪連日醉如泥
別後臨流意自迷
語燕駐空相爾汝
飛花吹岸各東西

江行大雨水漲四首

客路由來但喜晴
山深何況更舟行
孤篷酒醒三更雨
滴碎愁腸是此聲

一夜水高丈五六
移舟穩傍漁家宿
磯頭浪急上灘難
舟子索錢賽神福

踏竿倒掛似飛猱
水長船行拂樹梢
忽訝平途成峻瀨

更憐危石沒深濤

何處岸頽漂大樹明朝水落閣平灘村民爭翦為薪去
萬事從前預料難

舟行青谿道中入歙十二首

并序

睦州青谿本歙州歙縣之東鄉吾遠祖東漢賢
良方公儲墓在焉汭流而上湍石竒怪沈約所
謂新安江水至清是也睦改為嚴州歙州改為
徽州青谿縣改為淳安縣而歙縣獨存漢時舊

名

覆野春陰不肯晴
舟中無酒亦無錫
故教客子知寒食
時有梨花一樹明

立岸兒童看客過
人煙近處放牛多
萬株漫自栽桑柘
一縷何曾織綺羅

乘時盜賊起風塵
戰血苔痕幾度春
古廟僅能存大樹
荒山猶自少行人

水楊梢上欲綿飛
猶覺春寒未解圍
為怕江風吹客夢

船篷缺處塞蓑衣

晚風微勁喜新晴
夜半船窗漏月明
卧看孤篷搖水影
悠然枕上一詩成

夜寒如覺有猿吟
積翠重蒼萬壑深
下水輕舟弦脫箭
盤山細路線穿針

刺桐花發草如藍
欲卸綿袍剪紵衫
一夜春霜忽如雪
江南天氣不宜蠶

野桃籬落鵲雙鳴
春曉微寒放嫩晴
汛掃松楸家已近

猶餘七日是清明

花間預想到家時
笋蕨堆盤薦酒卮
點檢兒童參小學
招呼朋友說新詩

青谿元是歙東鄉
吾祖于時肯寶黃
避地江南結廬處

同時隣舍有嚴光

為方仙翁之祖
曰紘避王莽亂

蕨拳欲動茗抽芽
節近清明路近家
五日緩行三百里
夾溪隨處有桃花

歙州民與睦州民
比似吳兒大較貧
為問山中有何好

山中剩有讀書人

次韻劉元暉喜予還家攜酒見訪三首

白紵烏紗巾久不見此客眉長耳有毫眸子秋水碧惠
然顧柴門坐對山氣夕荒蕪淵明徑寂寞子雲宅攜酒
意殊厚細酌話宿昔袖中出新作關鍵有闔闢五十始
學詩定復笑高適繫予骨相屯年年困行役里社何幸
還尾君杖屨跡苦辛厭奔馳憂患飽閱歷胷中萬不平
一笑春水釋雙雞古侯膳拜賜書之策顧無明月珠何

以報私覲

我其方立英君可劉賓客年皆七旬近相對詩眼碧向
來每過從劇談動至夕久別坐何事蓬蒿翳荒宅歸舟
落孤帆曾未踰信昔空庭遲汛除野徑缺鋤闢便能致
果饌共此片時適萍氏寬征譏章甫復力役尚可卜孟
隣未至削孔跡飄芳漸紛紛晴巘正歷歷此酒不快飲
憂抱何由釋但願長窮健縱無馬可策徒步頃刻間亦
足奉良覲

死者已無知生者暫為客三年歸故廬松竹元自碧屢

驚山中人永卧泉下夕一二老朋友何處卜兆宅

近許
太空

汪晞顏許堯舉許
豫立程以忠皆卒

獨君有壽相氣貌不異昔冷官故稍

卑良疇焉從闢幽抱能自寬勝味各有適中守神既全
外物至莫役未悟如夢寐忽覺無痕跡眼明遠堪眺脚
健險可歷萬重煙霞間不乏僊與釋吾儕數老翁撰日
散游策當有佳詩篇付與來者覲

三月初五日同諸友自城南遊水西書事

步出城南門衣袂飄和風風中有花香不問紫與紅萬
山似無罅一水能自通插雲石色古噴雪灘聲雄夙聞
長庚伯來訪宣平翁想見巉巖間悠然支孤筇吾儕復
此遊嘯歌渡船中未渡東望西旣渡西眺東東西互眺
望所至隨不同乃知佳山水變態焉可窮竿确陟層巘
茂密穿深叢倉卒未暇往虛皇紫陽宮僧窓亦可人脩
竹攢青空足用展極目遙天送歸鴻更有真趣泉一泓
磨精銅隸扁故自佳韻語亦大工

真趣二字司戶建安
江疇隸書二絕句嘉

定壬申推官李直
節亦隸書皆佳

至寶識者少煙雨埋昏雲英氣決不

泯定復月貫虹萬世永無極百年俱有終為問羊叔子
何如玉無功晚生未聞道邂逅華顛童酒酣詩不成歸
途竟匆匆但苦嘲詆劇談鋒森戰攻達人當兩忘一付
亡是公

三月十一日問政山次劉元輝韻

楔節去未遠是日天更朗微寒護餘芳春野綠渺莽爰
從峻嶺登豈殊茂林賞支策拄雲漢舉袖拂星象遐矚

兩眸豁徐步一足往年邁忽臻茲時平猶憶曩譽竹談
疊疊弔松色快快青空鸛鶴唳碧甃蝸牛上龕金窺扁
顏簪玉觀塑像孰謂幽谷僻有此殊庭敞豪飲杯杯滿
清吟字字響佳兒奉親老高第事師長考擊謝鐘鼓傾
寫竭甕盎自可作畫圖未易絕夢想吾家餘釀花高架
政堪仰能來一中之勿待南甌爽

次韻贈趙豈卿

應元

吟嘯公

幾

之孫乃父亦能詩

大門祖父昔聞聲交臂差池恨晚生欲與萬山修郡志

誰能三世擅詩名故知龍頷無魚目更覺松心異舜英
字穩句圓經幾煉定應九轉已丹成

和陶詠二疏為郝夢卿畫圖盧處道題跋作

彭澤五斗米竟為督郵去動干寄奴誅孰識日涉趣漢
元潛震宮廣受忽高舉心已料恭顯定至殺蕭傅事君
義當死肯復問生路威福弗惟辟明哲有回顧淵明詠
二疏寄意匪自譽喪元辱先體貪位綜世務未若見幾
微政爾養高素展畫讀瑰染公等各超悟風霜斂勁氣

泉石入幽慮足可休餘年何用造朝著

題孝猿圖

鄂有養子母猿者母死子抱屍哀號不食至肉
腐皮存猶抱其皮不食或繪為圖郝夢卿俾賦
之

攫果實飢嗷三聲淚霑裳尼居曾子侍寧甘讀此章不
食痛所生乃能善居喪林端有返哺未敵烏衣郎面故
可顏彪臂豈徒李廣泣血同高柴託音異原壤謂當葬

其母山林縱之往勿復絆諸寵克此兒女賞

次韻贈上饒鄭聖予

沂井序

上饒自南渡以來寓公曾茶山得呂紫微詩法
傳至嘉定中趙章泉韓澗泉正脉不絕今之學
求嘉四靈者不復知此貴溪鄭君沂聖予過我
論詩所謂得正脉者也貌瘠而氣腴年妙而詞
老令予求其聲於微絃之外豈借聽之誤歟於
其行次韻送之曰

鄭里茶山乃詩祖繼之章澗兩泉吟端能捷疾追芳躅
當復幽冥入苦心力到光前還絕後事殊思古定傷今
兒啼可止有新樣黃葉元來不是金

宿西疇曹教授宅

宿羽同夜林天明各分飛人生塵土內別易會合稀我
自錢塘來君從宣城歸初喜望顏色昔癯今似肥細視
久乃覺條然不勝衣老至故當爾閒心厭塵鞿戶門豈
可忽仕宦未為非邇來三徑荒園花減芳菲政坐行作

吏耕稼始願違子壻環我前設席燈燭輝遂庶考畫鼓
崇盤薦瓊粦友道比衰喪聞客局重扉獨此意不然壺
倒觴屢揮酒醒日已出行行穿山圍回首重回首晴川
渺煙霏

行休寧縣南山中

我非塵中人素心在塵外深谷行人稀幽賞與心會原
疇苧苗肥嶺塢杉木大女績男斧斤生理於此賴稻畦
無凶年山泉百道漑水滿時自春竒哉澗邊確惜我乏

寸土把茅不容蓋老矣徒空談惘惘發深慨

沂行回溪三十里入婺源縣界

軍馬所不到大山夾長谷千載幾離亂不知有殺戮雞
犬何晏然未羨鄆杜曲連林望不極春晚翁以綠其大
至如椽謂之貓頭竹苦竹尤清嚴翠葆森轟轟厥土最
宜杉彌嶺巨岡麓種杉二十年兒女婚嫁足杉杪以樊
圃杉皮以覆屋猪圈及牛柵無不用杉木聯筏下浙河
善價不輕鬻山高高至天熱灰執畬粟又有茗薺利商

販給南北憂旱不憂潦脫如歲不熟蕨其與葛粉槌搗
代糜粥豈若水鄉人動至售骨肉醜陋羞冶容健壽由
寡欲定非私此邑大言誇美俗行脚遍海內久久寓輦
轂萬端墮姦欺往事杯水覆曷不歸乎來於此擅幽獨
崎嶇犖确間數步一匍匐猶勝見貴公膝行受恥辱寒
泉洗塵心怪石醒醉目野叟茅廬邊買隣願茲卜

上回嶺

兒時度大庾未識險與艱劔閣天下壯老矣無由攀茲

嶺同我名窮源路如環一重復一掩千彎仍萬彎怒石
躍竒鬼淙流出其間高處望來處井底忽升天為言上
復上何如居庸關

下回嶺

上嶺何所苦一步一氣喘下嶺何所苦一步一脚軟直
視三千丈石梯落層巘終須到平處尚作屈曲轉彼猶
可通車太行羊腸坂此乃不容步險甚蜀道棧回首望
木杪千里百里遠

留回嶺汪明府宅

元圭

仇池非僊境商嶺在人世詎必深且僻而後兵可避大
物有轉移戈甲滿天地城郭非云遠馬跡竟不至蒼蔚
樹木密複重澗谷闕中有長者家累葉重名誼積德服
里社故非一朝致園池旣顯敞棟宇亦弘邃文甃洛花
紅雕籠隴禽翠恍然壺中天迥與塵界異崇觴延老夫
子姪盡擎跽豈惟授之粢抑且侑以幣客來無不速各
各滿其意居多章甫冠憲憲潔衿佩如聞葉精舍徽國

嚴祀事紀載儻予屬庶用報嘉惠

婺源道中

盤山莫訝去程賒風俗真淳尚可嘉
行客門前方下馬主人店裏已烹茶
百泉怒噴常疑雨萬木陰森不見花
倚杖蒼崖憶何事白雲深處晦翁家

次韻謝遜翁吳山長孔昭三首

覺

筆追古作未云賒正始遺音到永嘉
諫列合騎沙苑馬從臣宜賜壑源茶
吟邊彭澤先生柳夢裏長安進士花

不朽故知非爵位文章海內舊名家

乾淳一老去非賒里社游談亦孔嘉僊馭不還縶氏鶴
禪機空說趙州茶神農為我先嘗藥迦葉誰今又笑花
欲向君侯問端的流風應謝魯東家

降原陟巘敢嫌賒風物元從僻處嘉晴日緩行果下馬
春山初試雨前茶野橋瀟灑泉如雪石壁巉巘蘚自花
剩欲移居此中住便依詩老作隣家

次韻謝徐贊府

辰起

越燠燕寒萬里賒相逢重接話言嘉
乘車君不輕予笠
缺酒吾惟啜子茶
斯立官衙清似水
叔原樂府麗於花
內交儻許如元白
各賦春深二十家

次韻謝吳太初

與祖遇龍太學
博士所生父覺

落筆誰云古意賒
四靈何得擅東嘉
跨鸞未斫吳剛桂
對鶴頻烹魏野茶
商略春詞犀墮雪
留連夜酌燭生花
如君三世工文墨
江左于今有幾家

再次韻謝吳遜翁

有句云燕領英安宜食肉
羊腸險韻且煎茶甚佳

一自為農去國賒九天無路獻忠嘉不爭老杜廣文飯

且共仰山鷺子茶

君寓普濟寺

字畫故家元佑脚篇章時樣

鄂州花宅山待刻鐘樓作震撼煙霞十萬家

近為普濟作鐘樓記

見示

復次韻吳遜翁

乾坤磔裂歲年賒忽復中原慶獲嘉雷煥竟能出神劍
張華才許識真茶一身北去南來鴈萬事朝開暮落花

詩句辱公過相獎已甘終老作田家

以紫薇花見許故云

次韻王君

鼎龍

偕子同來訪

住黃家塢俗呼相撲塢

愧子初來塢路賒曾微酒旨與穀嘉荅詩輒便拈枯筆
接話才能供淡茶膝上佳兒如玉雪山中春事幾風花
良疇世世勤蓄播終待明時遇宅家

次韻前廣德趙教授

良鈞

脩程萬里未為賒年少曾逢世運嘉早擢高科題鴈塔
合班邇列饜龍茶宦情劃似雲歸岫時事驚如雨送花
書林寶藏饒詞藻肯羨青霄富貴家

次韻滕君賓日

嶠并序

其先四人登科愷璘珙武子有四桂堂璘曰溪齋祖也父嶧曰切齋至邑宰叔父堂長鈞作晦翁亭於其家之朱塘文公嘗偕蔡季通來遊之地云

數步朱塘路匪賒晦翁亭創自端嘉遙聞古屋環脩竹擬汲寒泉薦苦茶萬鎰黃金何足寶四枝丹桂有餘花諸孫風骨今猶別師友淵源自一家

遜翁賜詩不已復次韻二首

登畿稍借隙陰賒告后謀猷豈不嘉未斷周妻及何肉
已忘党酒與陶茶病軀度日惟憑藥禿鬢經春不識花
賴有公詩滿歸橐定成多寶駭貧家

極知旅瑣酒難賒亦欠魚如丙穴嘉稍向市工求舊硯
更從山戶覓新茶芙蓉欲度崔嵬嶺芍藥猶餘爛漫花
但恐歸途別懷惡時須迴首故人家

題金明府平易堂

訥懷

桑疇麥隴頌聲歡競說琴書政事寬方寸惟知存豈弟
絲毫不肯作艱難愛民何啻如兒子行路休教避長官
來徃星源凡幾嶺從今都作坦途看

題徐贊府不負堂

辰起

哦松人與職俱清時見春郊雨又晴所學政應如陸九
只消一語了平生

官無大小各分憂可但專為七尺謀說着此身便非是

寄聲多謝薛嘉州

薛能詩不負
嘉州只負身

為吳太初題初隣齋二首

此宅元無一物遮問君隔壁是誰家伏羲未畫前頭事
籬落傍邊靠得此

三兩茅廬一徑深略知住處未知心元來有物先天地
難向君家屋畔尋

跋張明府獨樂園圖二首

熙寧相住半山寺元祐人宗獨樂園早起庵中釣魚手
未應宣靖失中原

獨樂人聞新法新定應翻作獨愁人墓碑一仆黨碑立
已覺園花埋戰塵

題張明府清風堂

元佐

三首

麥隴初秋曉吹寒新篁搖動碧琅玕滌煩解愠誰相似
父老人人說長官

素紈搖月坐高堂病暍應無困道傍好倩豐隆吹火傘
人間各受一襟涼

萬疊春山積雨晴新茶處處煮車聲不應獨送月團片

偏與盧仝兩腋生

題江君天澤古脩堂雷三首

大虛空重片光懸何異初開混沌天能辦辛勤磨玉斧
不愁缺月不團圓

堯付諸馮藥一丸養心誰續執中丹三千年後人能服
聖處工夫似不難

文言當日演韋編夕惕文觀變允乾進德立誠說方法
定曾參到杏壇前

跋吳初隣山谷臨風笛真蹟

臨風玉笛調孫郎百字塵昏紙尚香細認黃家元祐脚
似人殊喜見他鄉

跋徐蜚英四世祖神童事

祖名大成

闕

軍不復過前村

句圓字穩削陳言詩律五曹合細論五藁端能壓南岳
後村死後有前村

贈刊工程禮

鏤金鑄石切瑤琨深入詩家不二門
刻畫工夫初亦苦
終然芒角了無痕

贈硯工楊全

人間漸少老書生
真贗誰能別
舊坑磨墨揮毫自奇怪
可湏一硯苦求精

再贈硯工楊全長句

誰鑿山中龍尾石
遍與人間供翰墨
蛟螭妬嫉互盤踞
鬼神守護勤呵叱
苟非其人不輕出
似覺天公深愛惜

磨硯輕寫俗文章豈不青蠅污白壁硯工具眼如玉工
千巖夜見月貫虹懸崖深淵致巨璞氈包蓆裹箱奩中
深藏不敢褻天賜脅取豈無王與公脫使捐金動至百
卒未肯售寧固窮客行何來身突兀作字不媚詩有骨
此翁謂是謫仙人開匣再拜獻此物乃知楊翁亦竒崛
氣高肯為勢力屈劍與烈士得所歸天下之寶不可忽
題黃君以發擬文公書院梁文及賦

滔天筆勢百川東小待清霜萬壑空能草子虛上林賦

更須收斂入檀弓

追和艮軒俞同年

君選

題程一甫

冕

詩卷

人物真高絕何徒上下床轉頭異今古翻手變炎涼應
候禽蟲語知時草樹香吾曹能不朽宇宙與俱長

文公故居有懷

慷慨懷人獨倚樓定應故國此神遊共知道派傳洙泗
猶覺文星貫斗牛八佾舞移誰有魯兩楹夢斷已無周
先生不遇關何事更作離騷一段愁

文公書院新創

新堂育士煥棖椽突起文公故宅邊孟子向來推亞聖
鄒人誰不企先賢遺書會萃垂千古缺典因循近百年
為問杏壇舊鄰里顏曾以後豈無傳

婺源邑中

天地初開孰結融一溪千折萬山重縣城似繞流觴水
郡路多由對鏡峯祠廟駿奔乾竺會鄉邦鴻碩充鄒封
版圖三萬東南有二事無能可比蹤

離婺源過古薦注口張村三渡遂登五嶺

卧聞鄰客曉先發亦東寢衣辭旅榻急雨頓止風稍動
空山微涼路不滑溪流向西吾適東舟渡者三更橫縱
人心最險天自易左路欲窮湏右通蠶放三眠大麥熟
含桃爛紅豌豆綠野次思之不可致七日菜食市無肉
南山之北歸去來摘菊翦韭手所栽說詩命酒花當開
焉用捨是登崔嵬

過芙蓉嶺對鏡嶺羊鬪嶺新嶺塔嶺賦短歌五首

平生所聞芙蓉嶺上如攀天下入井老乃來遊殊不然
褰裳頃刻升絕頂南踰大庾鷓鴣啼北度居庸朔風緊
客行到彼例淒酸我已恍惚夢中景視險如夷兮要深
省君不見芙蓉一嶺今已過我但慢行君奈何

千鈞巨石百十萬亂堆橫峙塞山澗故今流水作嗚咽
行人厭聞猶喜闕芙蓉非花鏡非鏡無可充君耳目玩
第一嶺望二三嶺蜿蜒似作長蛇緩努力向前兮不須
嘆君不見老夫足根半天下臨危豈是趙趙者

客謂老夫今老矣胡為尚落空山裏千艱百難萬不平
上嶺下嶺不肯已此嶺第三末為險人面獸心險於此
乾坤一紀戰旗紅偶脫亂離身不死流可無行兮坎即
止君不見羊化為石鬪即休兩角蝸爭何所求

第四嶺頭分兩邑相背無情水流急淞河東下彭蠡西
到海終湏合為一海東聞有沃焦石萬國之水不供吸
世故人心千百岐有生必死終無迹焉用皇皇兮仍汲
汲君不見塔嶺之塔焉在哉不如酒斟一杯

塔嶺頂
分休寧

發源
界

混沌何年分宇宙
天地日月常如舊
如舊之中却常新
何曾一點受塵垢
誰鑿此山為捷徑
爭利奔名足馳驟
新嶺終無可舊時
燠不加肥寒不瘦
行人自無兮百年
壽君不見嶺頭日
日吹征塵
剩有新人無舊人

留吳田霜崖吳居士宅

夢龍

予仲女許其孫姻

象山環如規
中有一川水
山腴翠樹圓
水潔玉石峙
居人近百家
耕餘習文史
此翁獨能詩
早充賓貢士
平生

宦情薄一試倉庾氏中年厭兵革肥遯白雲裏時時吟
一篇自教孫與子滿屋讀書聲萬事不到耳問途訪幽
居曲折十餘里麥天小雨霽初夏風日美遠迓攜飲壺
劇談並宴几門帖句句佳字畫亦勁偉畫出名畫掛頻
共高閣倚烹煎茗笋良飮餽蔬果旨鼓吹聒深夜酒酣
未容起寒薄攀華盛兩姓合嘉禮東床向志學骨相良
可喜積德貽後人方興未云已發稟濟青黃垂紳曳朱
紫天人幽顯間施報有茲理畧窺宅邊園培芳茂花卉

黃鶯殆無數白鷗不知幾山茶及巖桂葉葉瑩如洗間
氣鍾人物吾故卜諸此老夫託姻好悠遠自此始定當
繼朱陳何但誇孔李

乍歸呈許君公度

楫

號蒙泉

東南天地早聞名三載吾邦沸頌聲山好更饒詩句好
江清未抵使君清涓涓流水秧田足細細吹風麥隴晴
客子歸來問耕穫故園似可養殘生

同金漢臣徐蜚英小飲傍溪寺二首

萬峰竒峭一川平
四月清和十日晴
蠶麥豐登宜把酒
山城只欠艷歌聲

高憑遠眺酒頻斟
誰識風前快飲心
州縣長官勝隣境
秧疇水滿樹林陰

桐江續集卷十五